

Primljeno: 30-05-2025			
Org. jed.	Broj	Priloga	Vrijednost
05/1	-02-	274	125

1/3 ah

51 glas za, 16 suzdržanih i 1 protiv konstatujem da smo usvojili predloženi Zaključak.

Prelazimo na zastupnička pitanja. Uvaženi zastupnik Razim Halkić, oprostite molim vas kolega samo da konstatujem da 10 i 24.

RAZIM HALKIĆ:

Uvaženi predsjedavajući, uvaženo rukovodstvo, poštovana predsjednice Federacije, dopredsjednici ministri, uvažene kolegice i kolege Parlamenta, gosti, novinari, imam jedno pitanje vrlo kratko za ministra boraca gospodina Lokmića, s obzirom da već duže vrijeme u eteru je i problematika boračke populacije iz koje ja dolazim također, a odnosi se na izmjene i dopune boračkog Zakona odnosno Zakona o dopunskim pravima boraca RVI, u smislu dokle se došlo sa izmjenama tog Zakona, dokle se došlo s boračkim dodatkom i svim onim izmjenama koje su tražile boračke organizacije u smislu izmjena onih datuma kad je u pitanju penzionisanje 20 i nešto boraca te ostalih detalja koje smo iznosili na boračkoj Komisiji, jedan od tih detalja je bio i ukidanje onog provednog staža na birou od godinu dana, pa molim ministra da nam to ako može danas ovdje prije početka sjednice obrazloži dokle se to došlo, zahvaljujem.

DRAGAN MIKOVIĆ:

Hvala lijepo, gospodine ministre ja vas molim u pet minuta da odgovorite na postavljeno pitanje.

LOKMIĆ:

Članovi radnog predsjedništva, poštovana gospođo Bradara, predsjednice Federacije, dopredsjednici gospodine Lendo, gospodine Stojanoviću, uvažene kolegice i kolege ministri, zastupnice i zastupnici, cijenjeni mediji i svi ostali prisutni. Prije svega želim vam uspješan rad i srdačno vas pozdravljam u ime Federalnog ministarstva za pitanje boraca invalida odbrambenooslobodilačkog rata odnosno ministarstva za pitanja branitelja invalida domovinskog rata. Ovo je problematika koja je aktuelna već dugo vremena i ja ću ako mi dozvolite vratiti se na 9., maj 2023., godine kada smo imali u Gradačcu obilježavanje dana zlatnih ljiljana i kao posljednji govornik dakle, predstaviti će Vladu izlazeći prema govornici dobio sam jednu simpatičnu opasku dakle, neko iz publike je povikao hoćemo borački dodatak kasnije se ispostavilo da su to moji zeničani i naravno nikome ne zamjerim što mi je bio pokazatelj da je to jedan od aktuelnih problema u to vrijeme. Ja ni tada nisam apriori odbio razgovarati o tome nego sam zamolio za malo strpljenja bila je u 23., pa i 24., godini prioriternih problema koje smo nadam se na radost boračke populacije uspješno riješili. O toj problematici se pričalo doduše u ranijem periodu ali koliko sam upoznat zvaničnih ozbiljnih inicijativa prijedloga prema Vladi FBiH i ministarstvu nije bilo jer se tada rješavao problem egzistencijalne naknade i evo

dođosmo do tog momenta da i konačno zauzmemo odnosno ja izrazim ovako javno pred vama detalje te problematike. Prije određenog vremena dakle, u toku ove godine u odnosu na prethodnu 2024., godinu, kada je bilo 6 ili 7 zvaničnih inicijativa prema Ministarstvu odnosno Vladi za izmjena i dopune toga Zakona o uvođenje boračkog dodatka i u ovoj godini dakle, i nakon formiranja radne grupe i nakon već održanog prvog sastanka radne grupe evo jutros na stolu imam novu Inicijativu od jednog delegata u domu naroda koji pita gdje je to dokle se došlo sa tim, dakle, ljudi ne vide ili previde te informacije, Vlada je na sjednici od 13.2.2025. godine formirala radnu grupu od 19 članova koja je već 24. aprila ove godine imala prvi radni sastanak, ja vjerujem da ćemo poštujući 2 Zaljučka sa tog radnog sastanka već u narednih mjesec ili dva dana najkasnije imati i drugi sastanak jer na tom prvom sastanku usvojena su dva Zaključka da se grupe odnosno članovi radnih grupa na terenu susreću sa ljudima razgovaraju pokušaju usaglasiti odnosno konkretnije donijeti prijedloge za sljedeći sastanak, problematika je vrlo opsežna složena jedan drugi Zaključak je bio da u donošenju konkretnih Zaključaka ponovo sjednemo i pokušamo riješiti taj problem, tu se nameću tri ključna pitanja kod tog famoznog boračkog dodatka dakle, koga uvesti u prava za korištenje tog boračkog dodatka da li sve kategorije zatim iznos koji iznos opredjeliti jer bilo je prijedloga vjerujte od 0,10 maraka pa do 10 KM za jedan provedeni mjesec u Oružanim snagama BiH, i treći problem odnosno pitanje ili dilema je da li i tu primjeniti model koji je primjenjen pri određivanju egzistencijalne naknde odnosno da li određeni dio korisnika prebaciti na kantone a jedan dio na Federaciju, najčešće pominjana cifra koja se predlagala je 5 KM po provedenom mjesecu u Oružanim snagama što je po tadašnjem kalkulacijama bilo otprilike 16,5 miliona maraka mjesečno, odnosno na nivou godine 190 miliona KM što je u tom periodu dakle, 23., kada sam prve ozbiljnije analize radio bilo više od 50% budžeta, priznat ćete da je zaista bilo nerealno prema Vladi je došlo dakle, tih već 15 inicijativa morale su biti odbijene jer u biti se krše sa članom 8., Zakona o Budžetu koji kaže bez fiskalne precizne procjene ne smije se ulaziti u te radnje, ja sam ubjeđen da ćete i vi razumjeti to, da ćete prenositi evo dakle, tačnu informaciju dakle, Komisija je formirana već odradila prvi zadatak i ja vjerujem da ćemo u vrlo skoro vrijeme imati i drugi kompletni zadatak, vrlo često porede kada borci pitaju šta je dokle, kako u RS-u mogu svi imati borački dodatak zamolio sam da mi se pripreme i ti pokazatelji nije tačno da u RS imaju svi borački dodatak oni su izvršili takozvanu kategorizaciju i prema informacijama koje ja imam samo borci prve i druge kategorije dakle, ljudi iz prve zone borbenih dejstava njih negdje 6 hiljada 480 imaju redovnu ovaj redovni borački dodatak ali evo ja i Vlada pokušat ćemo učiniti sve da i u tom pogledu dođemo do kvalitetnog rješenja. Molim vas da, u razgovorima prenesete dakle, to su prave informacije a evo kad se tiče drugog pitanja gospodina zastupnika, dakle, famozni ZPP imao sam već desetak inicijativa prijedloga radna grupa je također pripremljena moji saradnici su u završnoj fazi i vrlo brzo ćemo sjesti i detaljnije o tome porazgovarati, znam za ta ograničenja, znam za te datume ali evo mogu obećati da ćemo u skorije vrijeme zajedno sjesti i oko toga se dogovoriti, i evo ako dozvolite, koristim se ovom prilikom da i borcima preko vas uputim informaciju da ćemo kad se tiče obećanja prema borcima o isplati jednokratne novčane pomoći vrlo brzo

imati lijepe informacije premijer je na posljednjoj pres konferenciji obećao da će se učiniti sve da u što kraćem roku obezbijedimo sredstva od cirka oko 19 miliona KM za jednokratnu novčanu pomoć za 103 hiljade i 481 korisnika od kojih se tri ipo do četiri hiljade preklapaju dakle, tačan podatak korisnika koji će dobiti tu novčanu pomoć od 200 KM je 99 hiljada 496 korisnika mi smo već pripremili Uredbu koja je u završnoj fazi i nadam se u što kraćem roku da ćemo to uspjeti i isplatiti. S ovog mjesta želim se izvinuti ispričati borcima braniteljima za to kašnjenje ali svi razumijete situaciju problematiku s kojom se premijer s kojim se Vlada bavila ali naravno ni ja kao ministar ali premijer ne bismo sigurno sebi dozvolili da prekršimo dato obećanje. Nadam se da ste zadovoljni odgovorom, hvala vam lijepa, prijatno.

DRAGAN MIOKOVIĆ:

Hvala gospodine ministre. Izvolite gospodine Mešaliću.

MAHIR MEŠALIĆ:

Pozdravljam sve prisutne, pošto se javljam prvi put za riječ, zamolio bih od sad kod odgovora da bi što kraće odgovore imaju ljudi ovdje koji čekaju da postave pitanja, nema potrebe ovdje da se pamfleti Vlade iznose, da režim postavlja pitanja sam sebi i odgovara sam sebi jer bi mi iz opozicije željeli da postavimo koje pitanje jer mi nemamo informacija koje ima parlamentarna većina i Vlada, prema tome, ovdje čovjek oduzeo sad nama 15 minuta svojim obećanjima i pamfletima umjesto da se koncentrišemo na konkretne odgovore, a siguran sam da ima odgovor jer je danas predložen ovaj isti Zakon što čovjek govori, da se uvrsti u parlamentarnu proceduru u vezi boračkih naknada ali se to uporno dobija od strane većine, tako da nemojte biti licemjerni molim vas postavljati pitanja sami sebi režim pita sam sebe kad će biti ovo i ono, dakle, oslobodite prostor opoziciji pošto sve krijete od opozicije imamo pravo i na efikasniji odgovor da se manje vremena troši a imat ću pitanja za ministra kasnije. Hvala.

DRAGAN MIOKOVIĆ:

Gospodine Mešaliću, ja vas upućujem da pročitate član Poslovnika koji reguliše poslovnički sat, ovo je predviđeno za postavljanje pitanja od strane zastupnika i odgovore ministara, ministar je govorio tačno 7,5 minuta ima pravo na 5 ja imam pravo da svakom govorniku dopustim do 3 minute, prema tome nije 15 minuta i ministar je postupio odnosno kompletna procedura je u skladu poslovnički, zastupnik Ivan Boban.

IVAN BOBAN:

Poštovano rukovodstvo Zastupničkog doma, članovi Vlade, predsjednice i potpredsjednici Federacije, kolegice i kolege zastupnici, ja vas sve skupa i srdačno pozdravljam. Moje pitanje je upućujem Federalnom ministarstvu prometa i komunikacija